

OMUKWETU

Registered at the General Post Office as a Newspaper

15c

Dr Dumeni na Hasheela mo lweendo

MUmukwetu wonomola 17, omwa popiwa kutya ava vavali ova fika nawa muNamibia konima eshi va li va ya kombada yomafuta.

Olweendo lavo ola ningwa momafiku e li pokati kefiku eti 27/7/1981 neti 10/9/1981. Elalakano lolweendo ola li a) oku ka kala moshongalele shOngudumhitifi yOngongahangano Amounyuni (LWF). Oshoongalele osha li muTurku shaSoomi okudja 4-13/8/1981. b) Eenghundafana omolwoshilongatumo kuSenegal da li muHelsinki 17-19/8/1981. Elalakano leenghundafana edi okuwapaleka eudafano loshilongatumo pokati kEhangantumo la-Soomi (FMS) na ELOK.



Omumbisofi K.Dumeni ota monika mefano eli ta tale nawa oshilumbu koshipala. Omuto-ngolume ou tau kundafana na Dumeni, oye omushamane Martti Ahtisaari, ou a etele omuhelo muNamibia momudo 1978, omolwomukundu waNamibia.

Efano ola fanekelwa muSoomi pefimbo loshoongalele sha tumbulwa metetekelo.

Hasheela ta hokolola

Mondjila otwa enda pamwe nomupashukili F.Shikomba nameme Maria Shikomba ovo va li yotava i koSoomi, opo va ka talelepo ookaume. MuHelsinki otwa fika mo eti 30/7/1981. Okudja pokapale fye nomumbisofi otwa twalwa kongulu yetumo omanga ooShikomba va ya naKert Sainio kombulavo.

Eshi twa dja meumbo letumo otwa ya kuJampere keumbo la Dr. Sihvo, omufitaongalo meongalo Messukylä. Osoondaha yeti 2/8 omumbisofi oye a udifa meongalo la tumbulwa metetekelo. Mefiku tuu olo Hasheela okwa kala moshivilo shinene shefudiko lomutumwa wetu meekulu Selma Markkanen. Hasheela okwa eta ekundo ponhele ya ELOK.

Tala kepandja eti 4

SEPTEMBER 30, 1981

No. 18

Oshituthi shAaimbi



mOngwediva, 24-27.9.81

Uumusiki wa ELOK mewiliko lyameme M.Kambudu owa gwani-tha omimvo 10(1981) pambelwa. Oshilonga osha enda tashi koko kashonakashona, nonando petameko osha li lela sha tsi-ma.

Osha mono omautho gasho (1977). Okwa totwa ongundulwiimbo yongeleka MOROKENI.

Omaimbilo omawanawa gamorokeni oga kwatwa mokangalo hoka ke mu lukilwa.

Mongwediva omwa egululwa osikola yomusiki (1981). Omu na aalongwa 20. Osikola ndjika oyomumvo gumwe. Egon-galo ndyeka tali pumbwa omuntu a longwa mosikola ndjika olya manguluka okuninga eindilo.

Okwa nyanyangidhwa okambo MOROKENI. Omwa nyolwa oonote dhomaimbilo 30. Otaku gu R1-50.

Moshituthi shika shehambelelo, Kalunga okwa li ta hambelelwa niihikomwa ngaashi oompamba, oontunda niiketala. Oondigolo dhaa na olushi-thuwo, kupula.

Pehulilo omuwilikishituthi T.Ndevaetela okwa halele aaimbi ya longwe noya imbe manga omutenya.

Oontokolwa dhimwe dhEpangelongeleka lyeti 25-26/8/1981.

306.

Epangelongeleka lya konakona omaindilo gaa mboka ya hala okutaambelwa mosikola yuuteologi kuPaulinum omumvo tagu ya 1982. Pamwe nomapopilo gomagongalo nogaalongi yawo nosho wo ehumokomeho lyawo. Konima yekonaakono noonkundathana mbaka taa landula mpaka ya uthwa ya katameke osikola yuusita omumvo tagu ya:

328.

- | | | |
|-----|----------------------|-----------|
| 1. | Andreas P. Shomagwe | Onemanya |
| 2. | Barnabas K. Haileka | Okando |
| 3. | Linus D. Shimakeleni | Ohalushu |
| 4. | Timoteus Nakwafila | Eenhana |
| 5. | Eliaser Negumbo | Elondo |
| 6. | Martin Ngondji | Kongo |
| 7. | Melangton Kaukungwa | Ohalushu |
| 8. | Mateus Ampweya | Onangalo |
| 9. | Werner Shihepo | Endola |
| 10. | Ferdinand Nashidengo | Olupandu |
| 11. | Johannes L. Shalonda | Oshigambo |
| 12. | Abner L. Kangumbe | Rupara |

Sho omumvo gwonuumvo gwillema naayambidhidhwa muuyuni auhe otaku indilwa omagongalo ga ELOK ga tale wo nkene taga vullu okukwatha aantu mbaka moompumbwe dha wo dhopalutu nodhopamwenyo. Aayambidhidhwa niilema naya talwe oyo ye nuuthemba ngaashi aantu yalwe.

"TALA, OHANDI UYA DIVA EHOLO.22:12"

Elaka eli ola Jesus, mwene womafimbo aeshe, efimbo lona nena noloukwaalushe.

Tala, tashi ti tongolola ile ino pakuma. Ame, kokutya ou a li ko noku li ko nota ka kala ko fiyo alushe, iha lunduluka ngaashi fye ile ngaashi shito. Handi uya, iha fufya. Efatululo la diva inali hondama, otali ti paife eshi.

Mefimbo eli tu limo, ealuko laJesus ola tilyana (la pya) unene shi dulife onghela.

Henok yaJared okwa kufwa po ku Kalunga pavakulo (Gen. 5:24). Onghalafano yavo na-Kalunga oya hangika iwa unene momesho omushiti waye. Okwa li e na etilokalunga neduliko yo. Omutisloi Elia naye yo okwa ya panghedi yevakulo. (2Eehamba 2:11). Evakulo eli nealuko lomwene

Uutekuligumbo mOkavango

Osikola yOmbimbeli mOkavango pOnkurenkuru otayi ka taamba aalongwa yuutekuligumbo momumvo 1982 muJanuali. Otatu pumbwa u tume:

1. Eindilo lyoye mwene
2. Ombapila yepopilo lyaa-kuluntu yoye.
3. Ombapila yegongalo lyoye.

Ondjukithi:
Kavango Bible School
Nkurenkuru P/Bag 2084
Rundu
9000

olo ngoo e li hali udifwa komutumwa Justina Haihambo mokati ketu. Otwe li li longekidila tuu?

Mefimbo loita, omo mwa dalwa ondjebo noboma, otamu wanifwa yo edi tadi ti: Ovalumenhu vavali mepya, umwe ta kufwapo, mukwao ta fyaalapo. Ovakainhu vavali tava tu koshini shimwe umwe ta kufwapo umwe ta fyaalapo (Mat.24:40-41) Oiponga yomeendjila, kedu, komafuta nomomhepo neembadilila dikwao, otadi holola kutya Omona womunhu oku li poshivelo. Ota aluka diva.

Vakwetu, efiku olo hali ifanwa efiku linene lomwene otu li mulo nena, ha mongula. Jesus mwene walo ote tu udifile: Lipashukileni, eemwenyo deni diha lolokifwe koivilo nokoukolwe nokoshisho shoipalwifa, efiku olo lihe mu vakele ngomwiyo. Ota li hange aveshe ve li kombada yedu alishe (Luk.21:35-35). Fyeni, tu lye ni kombada yedu, tu londokeni, Omona waKalunga ota ka lyata diva edu letu la nyika oulunde ndele tali hanauka ponhele yalo a ka tungululepo vali limwe lipe. Tu lifeteni oulunde woludi keshe, ohe u tondo.


Pehulilo lefimbo lounyuni, Jesus otaka yandja eendjambi mbali, yomupya kovanawii noyelao kwaavo ve mu hole(Mat. 25:46). Tu lipuleni: Ame ondjabi yange oilipipo mwadi mbali?

S.Ndatipo

Olweendo lwomumbisofi Dumeni naHasheela

Da dja kep.1

Okudja muTampere omumbisofi K.Dumeni okwa ya nee koshoongalele kuTurku. Hashheela okwa kala ta talelepo eenhele dilili nadilili ngaashi eenhanda dovanya-sha, ombelewa yomubisofi muTampere, nosho nosho. Eti 19/8 otwa li meenghunda-fana omolwoshilongatumo muSenegal. Eti 22/8 ola li efiku loshivilohombolo shaAnni Tirronen. Osha ende-le nawa.



MuSenegala otwa fika mo eti 23/8. Molwaashi Ehanganotumo ka la li la tuma ovakal-elipo meenghunda-fana doshilongatumo odo da li di na oku ka kala kuSenegala, omolwomatomhelo elili nokulili, inaku ningwa vali oshoongalele shopambelewa. Opwa kala ashike omapaafano oma-yele.

Omhumbwe yovatumwa kuSenegala oinene, oilonga oiha-pu noshilongatumo otashi kulu. Eti 30/8 ponhele imwe opa shashwa ovapaani 63 komubisofi Dumeni mokutolokelwa kuHeita. Etumo lOvakwalutheri muSenegala, ola dimininwa papangelo okulonga oshilonga shouhaku shouhaku moshilongō. Ova pewa nokuli okapangelo omo hamu-

longo meme Fiina Heita, meme Ruth David nomupangi omusoomi, Pirkko. Ova tee-lela vati ndohotola ta di koSoomi nopo nee okapangelo otaka ka kala meufu lavo. Kombinga yelongo Justus David ote shi endifa nawa.

Eti 2/9 otwa ninga elongelokalunga lOshiwambo mooHeita. Eudifo ola dja muJoh. 4:31-37. Ola ningwa kuHasheela Omubisofi Dumeni mepopifo laye okwa ku nghilila ovatumwa vaha longe neliudo ta li va nye-nyetele.



STIG OLOF FERNSTRÖM

"Mokulonga oshilongatumo itandi liyambe ndele ohandi liyambe efiku handi fininikwa ndi efe po oshilonga eshi," osho omukululunhutumwa Fernström a ti pefimbo lelekelafano.

Otwa fiya po Senegal meti 4/9. MOvenduka omo twa shakena nooShikomba naKirsti Asunta, otwa fika mo eti 6/9/1981.

Oshiketha shetumo — 'S CM'

Esiku 4-7/9/1981 ndyoka lya kala lya yuulukiwa kiilyo yEhangano lyAailongi Aakriste muNamibia, osho lya thikana.

Momasiku ga tumbulwa aanasikola yomosekundosikola noyomoosikola dhOpombanda mOwambo nadhiiwe dhomUushimba, oya tsakanenene mosikola yOpombanda mOngwediva, opo ya topolelathane iiyimati yeitaalo noya zalekwe ishewe oonkondo oompe kOmuwa mwene. Oya li po oyendji noonkondo, tashi vulika ya konda eyuvi.

Aanasikola mbaka mokudhila-dhila oonzi dhOmuwa ndhoka inaadhi uva natango Evaangeli ndyoka tali hupitha oomwenyo dhaantu, oya li ya toto po oshiketha shetumo momumvo 1976. Elalakano olyo okukwatha nokwaambidhidha omulongi Titus Namunyekwa ngoka a yi pamwe negumbo lye moshilongatumo muAngola momumvo 1975. Okwa tulwa mepyatumo mOshaangalala.

Namunyekwa okwa kala oshilyo shehangano ndino oomvula o-dhindji. Ompito ndjoka ya kala tayi kongwa opo ando e kiilonge uusita kOjtjimbingwe, sho inaayi monika we, okwa monikila ompito mosikola yuusita muNakumira Tanzania.

Iimaliwa mbyoka hayi gongelwa neitulomo enene koshita yi kehe shehangano, omolwoshiketha shetumo uuna tashi vulika ohayi vulu wo okululo-

ngithwa mokulanda nomokutumina aamwameme mbeyaka yokOshaangalala Oombimbeli niinyolwa yimwe yopaukriste.

Nuumvo aailongi aakriste oya ulike omwenyo gweitaalo lya-wo sho ya gongelele etumo iimaliwa R10662-42. Ayihe kumwe mbyoka ya gongelwa okuza sho oshiketha shatotwa pyo

R21 676-31. Shika otashi pandulilwa Kalunga sho a gandja omayele opo ku monike iimaliwa yina oshilonga oshinene nosha simana momoho gOmuwa. Mboka ya gandja Omuwa ne ya gwedhele ko wo oshindji.



Mesiku eti 12/9/1981 moshipangelo shaNandjokwe omwa li enyanyu enene omolwaanasi-kola 14 mboka ye shi fulula ko, sho ya piti ekonakono lyuupangi. Mbaka oya yambekelwa oshilonga shawo komumbisofi K.Dumeni, medhina lyaKalungakatatumwe, mongeleka yaNiipa.

Omumbisofi okwe ya tumbulile kutya shaashoka taye ke shi ninga, nashi ningwe mombili, moshili nomohenda. Okwa thikitha wo ompumbwe yaaSenegala pethimbo lyoopala kutya hwi-yaka otaku pumbiwa unene aapangi.

Tala kep.6

yamwe ya thigala mondalaye!

Oku na omapopyo gamwe gaa na mutsenandungu taga shundula ondilo yehangano ndika lyaaailongi aakriste notaga goyokitha elalakano lyalyo. Mboka haye shi ningi ondi na ohapu nayo.

Yamwe ohaya ti kutya ehanganondika oshimpaga. Ndika epuko.

Mboka taya lundile ehanganondika tali lalakanene okukonakona ohapu ondjapuki yaKalunga ngiika oye na ontseyo onshona kombinga yehangano nenge ya dhingilwa komalyenge gaSatana gokusheka. Mondjila yomusheki ka mu na esindano. Shika osha ulikwa ku Jesus sho a yumuka kuusi.



Ninga Jesus Omwa

Ndika ehanganolyaaailongi aakriste mboka taa kambadhala okuninga Jesus omukwaniilwa gwoomwenyo dhawo noli na elalakano lyokukokeka omwiilongi meitaalo lyomuKalunga katatugumwe. Olya thikama miilyo yoongeleka dhi ili nodhi ili. Ano kali shi okangundu kaantu yontumba mboka ye etha po ongeleka yawo.

Yamwe anuwa kaye shi uviteko sho iilyo yehangano ndika poompito dhimwe hayi imbiyo taa inyengitha omalutu pamukalo gwondanisa. Mentu gwameme, aantu kaye shi aakulupe; otaa longele Kalunga pamwe nomainyengo gawo mangaye na oonkondo dhuugundjuka. Moku shi ninga otaa hambelele ngaaka Kalunga sho e ya shita taa vulu okwiinyenga.

"Onawa okundanisila Kalunga shi vule okundanisila ondeeveli", osho omusita A.Kaulinge ngoka a kala ethimbo ele mewiliko lyehangano ndika ha ti.

Moshifo shika omwa popiwa iiyimati iiwanawa yehangano ndika mbyoka ya za meiyambo nomeuveko ewanawa lyoshilongatumo. Omuti omwiinayi otagu imi tuu iiyimati iiwanawa? **John M. Shitundeni**

Dha za kepanja 5

Oshituthi osha tsikile kOshoopala. Mpeyaka matrone Kirsti Pakkala okwe ya tumbulile kuya ngaashi iilongitho yomoshipangelo yi na okukala ya yela, osho wo nayo ye na okukala, opo Kalunga a vule oku ya longitha.

Dr. Hamata okwe ya indile opo ya kwathe aakuluntu momagumbo mukukelela omikithi moshigwana, oshoka oshi na ondilo okupanga omikithi, ashike oshipu oku dhi keelela. Omusita A.Kaulinge okwe ya halele ya longele mOHOLE paJoh.4:10-11.

NAMIBIA MOONKUNDATHANA

Ompitithingundu yOngongahangano yAakwalutheri muuyuni (LWF) moshigongi shayo muTurku, shaSoomi mu Aguste 81, oya kundathana natango neitulomo enene onkalo yOonge-leki naantu yomuNamibia. Oshigongi osha kundane kwa kOongeleshilyo dhomuNamibia (ndhoka dhi lile po etatakati lyAanamibia) sha pitile mopresidende yOngeleki Onkwaevangeli yahangana yomuSWA/Namibia, omumbisofi Kleopas Dumeni, nokukomufala gokIigwanahangano gwaNamibia, omwaambasande Martti Ahtisaari.

Namibia otali pangelwa ku-South Africa, pondje yoveta. Iita muumbangalantu woshilongo otayi tsikile okuyaga kegonga. Opulanda ya dhiladhilwa mo nawa yokweetitha po etulopo lyomatati, ehogololo lyopambili nemanguluko oya taambwa kiilongo ayihe yomuuyuni, nokuli nokuSouth Africa wo. Oshigongi osha li sha hiyawa muJanuali 1981 shi gongale muGeneva okutula miilonga opulanda ndjoka ya kwatelwa moshitokolitho 435 shOngundugameno yIigwanahangano (UN). SWAPO okwa zimine etule po lyomatati, ihe ombinga onkwa-wo, kokutya South Africa, pamwe noongundu dhopapolitika dhomeni lyoshilongo ndhoka SA ta popile, ano DTA, oye ekelehi ompito ya tya ngaaka yokukandula po omukundu pamukalo gwombili noya hogolola peha lyasho omulandu ngoka tagu fala metsikilo lyomahepeko ne-tyakaleko lyAanamibia.

Muuyelele weindjipalo lyiiningwanima mbika ya nika oshiponga oshinene muNamibia



Ompitithingundu oya tompe-lwa oshili ndjika kutya, yo oyi na natango okuninga eindilo kOongeleshilyo dha LWF: dhiginineni ekwatathano lyuukumwe naakriste naantu ayehe yomuNamibia monkalo yawo yongashingeyi yomaudhigu nomekondjo lyawo okukondjela uuyuuki nombili.

Pamwe nOongeleshilyo dha-yo muNamibia, Ompitithingundu otayi endulula eindilo ku ningwe ehogololo lya manguluka nolyopauyuuki lyi ikwatelela kiitokolitho 385 na 435 yOngundugameno yIigwanahangano. Otayi tala kutya ehogololo lyomeni lyoshilongo lyomumvo 1978 ndyoka lya ningilwe muNamibia olye ekelwahi koongeleki no-kuuyuni auhe molwaashoka kalya li ehogololo lya manguluka lyewi lyaayehe. Ompitithi otayi indile oongundu adhihe ndhoka dhi li meipumumwe ndika ya konge shili ehulitho lyomukundu nguka pamukalo gwombili, gwaashi guukolokoshi. Onkee otayi endulula eindilo lyokumangulula Aanamibia oyendji mboka ye li oonkwatwa dhopapolitika, ehulithopo lyiikulwa nopito yokuziminina oontauki dhAanamibia omayuvi nomayuvi okugalukila kuNamibia lya manguluka memanguluko.

OUTEKULIUMBO

Omufitaongalo omufimanekwa:

Dhandi indile nefimaneko u shiivife eongalo oinima tai landula apa:

Ofikola yOutekuliumbo nova-pofi otadi ka hovela mEnongelo eli efiku eti 1/2/82 OMAANDAHA koshivike. Omunhu keshe a hala mofikola ei, na tume eindilo laye kEnongelo lovayakuliongalo lo li kale meembapila tadi landula apa:

1. Ombapila yeindilo ya shangwa kwove mwene (omwiindili).
2. Ombapila yepopilo ya shangwa komuhongi ile komufitaongalo woye.
3. Ombapila yenyolululo londombwedi yoye ya shainwa komuhongi woye.
4. Ombapila yeongalo.

Onanhu ovo tava ka tambuli-lwa moutekuliumbo otava teeelwa va kale ve na elihongo la fika fiyo Opostanda 111 (onhinhatu) nokuya pombada.

Omuningi windilo na kale e na oukolele wa wana wokolutu opo shi he ke mu etele oudjuu moilonga yomake lwo-pokati penya. Otaku indilwa apa ovo ve na omaimbo nomaupyakadi (problems) ve a kandule po manga. Opo ngaho shi ha etele Enongelo omaudjuu a pitilila.

Oonakuninga omaindilo otava londwelwa moinima tai landula apa:

MENGELA 1982

- a) Omaindilo otaa ka tambulwa ashike fiyo eti 25/11/81. Hano endelega u ninge diva eindilo loye manga ku yela.
- b) Ino tuma ondombwedi yoye yo vene mOpoosa, otashi dulika i kanene mo, ile i mone oshiponga, shapo oto tumu okopi yondombwedi yoye.
- c) Ino pumbwa okuuya ove mwene oku kEngela kEnongelo u tale ngee owa tambulwa, osheshi ovo tava ka tambulwa otava ka shiivifwa diva.
- d) Ovahongwa vetu vape aveshi, otava teeelwa va fike apa eti 1/2/82 mEnongelo lovayakuliongalo mEngela.
- e) Ou a mona omaimbo noita holoka vali, ye a tambulwa, na shiivifile Enongelo eli pefimbo.
- f) Ofuto mOutekuliumbo R40-00 komuhongwa keshe.

OMUKWETU

Oyo oshifo shOngeleka Onkwaevangeli paLuther yomOwambokavango.

Oha nyanyangidhwa mOshinyanyangidho shOngeleka mOnipa.

Omukuluntu gwoshifo omumbisofi dr. Kleopas Dument.

Ondando yOmukwetu komumvo muAfrika R 2-60, kumbanda yomafuta R 5-00. Omambesiteho pamwe noondando naga tumwe kOmukwetu Onipa, P/B. 2013 Ondangwa 9000

EV. LUTH. OWAMBOKAVANGO CHURCH
PRESS ONIIPA P/BAG 2013 ONDANGWA
9000